

Mphato
wa **1**



Puku ye Kgolo ya dikanegele tše kopana

SEPEDI



basic education

Department:
Basic Education
REPUBLIC OF SOUTH AFRICA

Puku ya

4

Mokgwa wa go šomiša Puku ye ye Kgolo:



Dikanegelo tše di lego ka mo go puku ye:



1 Dikolobjana tše tharo



2 Kgogotshadi ye khubedu



Bjalo ka morutiši o swanelwa ke go beakanya le go lokišetša go dira mešongwana ya go bala ka go šielana, wena le barutwana ba gago. Ka mehla ge o dira mošongwana wa go bala ka go šielana, wena o le morutiši, o šoma le barutwana ka moka. Le ge go le bjalo, barutwana ba gago ge ba le ba bantši kudu, go tla ba gabotse kudu ge o ka šoma le sehlopha, goba le karolwana e tee ya barutwana. Go swanetše go hlokamelwa le go kgonthišwa gore barutwana ba kgona go dula gabotse, le gore ba bone Puku ye Kgolo, gore ba kgone go bala sengwalo.

Ka go Puku ye Kgolo, dinako tša go bala ka go šielana, barutwana ba rutwa gore puku e swarwa bjang, gore puku e swarwa ka mokgwa wa maleba - go phetlolla maphephe ka mokgwa wa maleba. Go tšweletšwa pele mekgwa ya motheo ya puku - khabara, ka pele, ka morago, le hlogo - leina la puku. Gape, go bontšhwa le malebela a gore tshepetšo ya go bala e dirwa bjang, gape, mekgwa yeo e bohlokwa mo go tšweletšeng pele go theeletša ga barutwana, go bolela, go bala, go nagana, go fa mabaka le go ba le mabokgoni a go ngwala, go ya ka dinyakwa tša SEPHOLEKE (CAPS):

- Go tšweletša pele mabokgoni a go theeletša le go bolela.
- Go tšweletša pele ponagalo ya mabokgoni a go bala.
- Go araba dipotšišo ka ga kanegelo.
- Go kgatha tema dipoledišanong, go bolela ka go šielana.
- Go thala, go diragatša goba go ekiša ditiragalo.
- Go šomiša diswantšho go laela gore kanegelo e mabapi le eng.
- Šomiša go bala ka go šielana bjalo ka motheo wa go ngwala ka go šielana.

Go itokišetša nako ya go bala Puku ye Kgolo.

- Kgonthiša gore barutwana ka moka ba bona puku.
- Ge barutwana ba phapošborutelo ya gago e le ba bantši, bokaone ke gore o šome le sehlopha se sennyane.
- O tla hwetša gore go na le mohola go dira gore puku e eme gore o se hlwe o e swara ge o dutše o e bala. (Lebelela ditalo tša gore o dire gore puku e eme ka khabara ya morago.)
- Šomiša rula goba sešupo go šupa mantšu, ge o dutše o bala.
- Ge o nyaka go bonagatša mantšu, o ka mamaretša mantšunyana a go mamaretša go dikologa lentšu go le bonagatša, goba wa dira lefastere la maselamotse. Šomiša setsekana sa pampiri ya sebopego sa khutlennethwi, o se ripe mo bogareng, gomme o bee khutlennethwi, o e tloše mo bogareng, gomme o mamaretše khutlennethwi godimo ga sengwalwa gore go bonagale fela lentšu le tee.

Nako ya mathomo ya go bala ka go šielana

Nako ya mathomo e lebanywa le boipshino le tebelelo ya mathomo ya go lebelela sengwalwa, barutwana bona ba fetola ka bobona ge ba lebelela sengwalo.

- Phetlolla kanegelo, ba tla bala. Bolela ka ga ditshwantšhetšo.
- Kgopela barutwana gore ba bolele gore ba nagana gore kanegelo yeo e theilwego godimo ga diswantšho e reng.
- Tšweletša mantšu a mathata goba a maswa pele barutwana ba bala kanegelo.
- Dira dikarata tša mantšu go tsebagatša tlotlontšu ye mpsha.
- Bala kanegelo, o šomiša ditlhagišo, gomme o fetolafetola lentšu la gago, lebelo le moyo wa lentšu. Šomiša dika le ditlhagišo tša sefahlego.
- Latela mongwalo ge o dutše o bala, ka go šupa mantšu ka kotana goba ka rula, gore barutwana ba bone seo o se balago, gomme ba amanye modumo le dika mo lephepheng. Gape se se tla ba thuša go bona tshepetšo ya go bala go tloga go la nnele go ya go la mmagoja, le go tloga godimo go ya tlase.
- Šomiša se bjalo ka sebaka sa go tsebiša 'polelo ya puku' bjalo ka: mantšu, mafofo, lephepheng, mongwadi le hlogo, bjalobjalo.
- Dira gore barutwana ba kgathetša tema mo kanegelong, ka go bolela fao sekafoko se ipoeletšago (mohlala: "Kitima, kitima, kitima ka lebelo leo o ka le kgonago, o ka se ntshware - Ke nna monna wa borotho bja dikhanakhana!").
- Kanegelo ye e bušeletšwago e swanetše go balwa gabedi go ya gararo, go fa barutwana sebaka sa go tšweletša polelo ya mogobelo, ge ba ekiša ditiragalo, goba go bušeletša dikarolo tša kanegelo, ka mantšu ao ba ikgethetšego ona.

Nako ya bobedi ya go bala ka go šielana


- Mo nakong ya bobedi go šomišwa sengwalo sona seo se šomišitšwego, gomme nepišo e šuthela go tšwela pele go kgathetša tema mo go baleng le morutiši, go šomišwa dipoledišano tše di šomišwago go tšweletša pele kwešišo ya tlotlontšu, go fetolela mabokgoni le sebopego sa sengwalo (popopolelo, maswaodikga, bjalobjalo).
- Go tšwa go wena, morutiši, go dira gore go išwe šedi go hlokameleng dithuto tše di amanago le šedi yeo e lebelelagoo dikgopoloo tše di latelago, mabapi le dikgatišo, dibopego tša dingwalo, mekgwa ya tumothhaka, dipatrone tša polelo, boitshupo bja mantšu, mokgwa wa go lemoša mantšu, le kwešišo, go mehlwaela ya tekanetšo (ntšukantšu, go pušeletšopeakanyo, go tšeia gore go bjalo, tekanyetšo le dipotšišo tša go fa maikutlo).


Nako ya boraro ya go bala ka go šielana

- Mo nakong ya boraro ya go bala ka go šielana, barutwana ba swanetše go bala sengwalo ka bobona gomme ba kgathetša tema ka go bolela, ba kgathetša tema ka go dira ka matsogo le go ngwala ditiragalo tše di theilwego godimo ga sengwalo.
- Ge go kgonagala, sengwalo sa Go balwa ka go Šielana se swanetše go tsebiša go Ngwala ka go Šielana moo morutiši a swanetšego go laetša gore sengwalo se ngwalwa bjang, gomme barutwana ba sware morero wa go ngwala taodišo ka ga sengwalo, gomme morutiši a kgathetša tema ya go kgonagatša le go ba sethaledi sa go laetša gore go ngwalwa bjang. Gomme tshepetšo e thuša go lokišetša barutwana ge ba dira mošomo wa bona wa go ngwala.

1

Dikolobjana tše tharo






Dikolobjana tše tharo di tloga gae, ga
di sa nyaka go dula gae. Di nyaka go
aga mengwako ye e lego ya tšona.



“Šala gabotse, Mma. Re ya go dula ka
mengwakong ye e lego ya rena,” tša
realo.


Dikolobjana
tša khutša

gore
di be
phikiniking.




Phiri e bona dikolobjana. E swerwe ke
tlala. E nyaka go di swara, gore di be
dijo tša yona tša letena.

Kolobjana ya
mathomo e
aga ngwako
wa yona ka
bjang.





Kolobjana
ya bobedi e
aga ngwako
wa yona ka
mahlaku.

Kolobjana
ya boraro e
aga ngwako
wa yona ka
diten.



Phiri e nyaka go tsena ka
mengwakong ya tšona. Phiri ya
butšwela ngwako wa bjang, ya o
rutlolla.






Ka morago ya butšwela ngwako wa mahlaku. Dikolobjana di ile tša tšhabela go ngwana wa botšona ka ngwakong wa ditena.



Phiri e leka go butšwela le go rutlolla
ngwako wa ditena, eupša gwa pala.



Dikolobjana di ile tša bea pitša ya
meetse godimo ga setofo gore a bele.
Tša napa tša bea pitša yela ka tlase
ga tšimele.


Phiri e tsena le go theogela ngwakong
ka tšimele.



“Jooo!” phiri ya goelela. “Ke a swa!”



Phiri ya tšwa ka meetseng, ya
tšhaba, ya ba e le gona ge e ile.




Dikolobjana tše tharo di a opela: "Ga
re tšhabe phiri ye kgolo, ya go se
loke!".

2

Kgogotshadi ye khubedu



Ka letšatši le lengwe kgogotshadi e
ile ya hwetša thoro ya korong.




"Ke mang yo a ka nthušago go bjala
korong ye?" ya kekeretša.

"E sego nna", gwa kwakwaretša
lepidibidi.

"E sego nna," gwa goelela leganse.


"E sego nna," ya tswinya kolobe.





Ka fao a e bjala ka boyena.



Korong e godile. Ke semela se
setelele.



"Ke mang yo a ka nthušago go
sega korong ye?" gwa kekeretša
kgogotshadi.



"E sego nna," la kwakwaretša
lepidibitšana.

"E sego nna," gwa kwakwaretša
legansana.

"E sego nna," ya
tswinya kolobjana.



Ka fao a e sega ka boyena.

Ge korong yela e segilwe,
kgogotshadi ye khubedu ya
kekeretša, ya re: "Ke mang yo a ka
nthušago go tlema korong ye?"

"E sego nna," ya golola kgomotshadi.

"E sego nna," ya bogola mpša.

"E sego nna,"
ya forola
katse.

Ka fao a
napa a e
bofa ka
boyena.



Ka morago, kgogotshadi ya
kekeretša, ya re: "Ke mang yo a ka
nthušago go šila korong ye?"



"E sego nna," ya lla namanyana.

"E sego nna," ya bogola mpšanyana.

"E sego nna," ya forola katsana.

Ka fao a e šila ka boyena.



Ge korong e šitšwe e le folouru,
kgogotshadi ye khubedu, e ile ya
kekeretša, ya re: "Ke mang yo a ka
nthušago go paka borotho?"

"E sego nna," ya letša dinko, pere.


"E sego nna," ya golola, nku.

"E sego nna," ya lla pokolo.





Ka fao a bo paka ka boyena.



Ge borotho bo pakilwe, kgogotshadi
ye khubedu ya kekeretša, ya re:
"Ke mang yo a tla go nthuša go ja
borotho bjo?"

"Re tla go thuša!" Diphoofolo ka
moka tša goelela, tša realo.

"Aowa, le ka se ke," ya kekeretša
kgogotshadi ye khubedu.

"Ke tla bo


ja ka
bonna."



E biditše matsuana a yona a
mannyane gomme ya kekeretša,
ya re: "Etlang le je borotho bjo." Ka
kgonthe matsuana a ja borotho, go
fihla ge a khoše.



O tla buna seo o se bjetšego!



O a amogelega mohlwaeleng wa Puku ye Kgolo. Puku ye, ye Kgolo e hlama karolo ya Mohlwaela wa Molalatladi, wo o aparetšago dipukutšomo, kgoboketšo, dipadišo tše di hlophilwego le diphoustara. Re hutša gore o tla hwetša dikanegelo tša go fapanā tše di akareditšwego ka go Dipuku tše Kgolo tše seswai tša mphato wo, tše di nago le mohola go barutiši ba lena, le gore barutwana ba lena ba tla ipshina ka maitemogelo a go bala ka go šielana. SEPHOLEKE (CAPS) sa Kgato ya Motheo se tšweletša molaleng go Bala ka go Sielana e le ye nngwe ya dikarolwana tše bohlakwa tša maano a go bala. Go bala ka go šielana ka mehla go diragatšwa mo nakong ya matšatši a mabedi le a mane mo bekeng mo ngwana yo mongwe le yo mongwe a nago le sengwalo sa go swana le tše dingwe tša go balwa. Dipukutšomo le dipadišo tše di hlophilwego di swanetše boikemisetšo bjo.


Le ge go le bjalo, go bala ka go šielana o šomiša Puku ye Kgolo ya go ba le maletere a magolo ke mokgwa wo mobotsebotse wa go bala ka go šielana, ka gore barutwana ba kgona go bona maletere le diswantšho, gomme, o kwešiša ge o dutše o bala ka mokgwa woo o swanago le go bolela kanegelo ya balapa ka mokgwa wa setlwaedi wa setšo. Go bohlakwa gore barutwana ba dule ba dikologile Puku ye Kgolo, ka gore barutwana ka moka ba kgona go bona le go bala sengwalo. Maletere a magolo a Puku ye Kgolo a dira gore motho a balele godimo, a balela barutwana ba palo ye kgolonyana ka nako e tee mo lefelong leo go iketlwago, motho a sa tshoge selo.

Puku ye Kgolo mo go mehlwaela ye, e tla tsebiša barutwana dikanegelo tše ntši, direto, merumokwana le ditiragatšo, gammogo le tsebo, le ditshwantšho, ka lerato.

Ke mošomo wa gago, bjalo ka morutiši, go dira gore dikanegelo di be le bophelo mo go barutwana, le go dira gore lefelo le ba lego go lona le be la go thabiša, la go ba lefelo la khuduego ya mahlahla. Ge o šomiša Dipuku tše Kgolo, go go kgontšha gore o be mohlala, ka maitemogelo a go bala, ka go hlama moyo wa lethabo, go wena le barutwana ba gago. Re hutša gore puku ye e tla go thuša gore o dire ka wona mokgwa woo.

Dikgopoloo tše dingwe tša go šomiša Puku ye Kgolo

ISBN 978-1-4315-3016-8



ISBN 978-1-4315-3016-8

THIS BOOK MAY NOT
BE SOLD.



basic education

Department:
Basic Education
REPUBLIC OF SOUTH AFRICA

Published by the Department of Basic Education
222 Struben Street, Pretoria
South Africa

© Department of Basic Education
First edition 2016

The Department of Basic Education has made every effort to trace copyright holders but if any have been inadvertently overlooked, the Department will be pleased to make the necessary arrangements at the first opportunity.

The Big Books in this series are available in all languages. They were developed by a team of UNISA Language and Education experts as part of their Community Engagement contribution to South Africa's education sector.

Author: V McKay






Itirele lefelo la gago la go bea Dipiku tše Kgolo

O tla swanelwa ke go ba le:

1. Khatepoto ya bophaphathi bja go lekana le bja Puku ye Kgolo ge e butšwe (594 mm) le botelele bja Puku ye Kgolo, gararo (1360 mm).
2. Theipi ya go kgomaretša
3. Dipatiši tše pedi goba diphekese go swara khatepoto maemong a yona.

Šomiša Theipi ya go mamaretša go kgomaganya diripa tša khatepoto.

Mena khatepoto go dira freimi ya sebopego sa A gomme o mamaretše botlase le bokapele bjale ka ge go laetšwa mo go tshwantšetšo mo tlase.



- Šomiša phaphathi ya plastiki ye e se nago mebal a e be sekhupetši sa Puku ya gago ye Kgolo. E tla hola barutwana le morutiši go ngwala godimo ga plastiki.
- Ngwala godimo ga sekhupetši ka pene yeo e dirilwego, gagolo, ka meetse, yeo e hlatswegago.
- Šomiša sepatiši sa go se ngaologe sesolo go kgomagantšha sekhupetši sa Puku ye Kgolo, sa go bonagantšha.

